

欽定古今圖書集成明倫彙編氏族典

第一百四十七卷目錄

孫姓部列傳三

唐

孫伏伽	孫思邈
孫處約	孫邈
孫佺	孫洵
孫倚相	孫成
孫孝哲	孫公器
孫旣	孫樵
孫簡	孫惺
孫景商	孫儒
孫儲	孫惟最
孫萬登	孫德昭
孫揆	孫鯨
孫益	孫邵
孫虔禮	孫顯忠
孫盈	孫惠
孫陟	孫漢威
後晉	孫漢韶
孫德威	孫方諫
孫瑛	孫光憲
孫謙	
後周	
孫晟	
宋一	
孫行友	



孫降衷	孫達吉
孫欽	孫承祐
孫承睿	孫庸
孫全照	孫冕
孫何	孫僅
孫浦	孫爽
孫冲	孫長卿
孫瑜	孫沔
孫唐卿	孫復
孫知微	孫錫
孫伴	孫扑
孫祖德	孫奕
孫立節	孫繼鄴
孫甫	孫抗
孫觀	孫覺
孫覽	孫節
孫珪	孫未
孫固	孫思恭
孫洙	孫路
孫升	孫構
孫磐	孫譚
孫繩	孫勳
孫諭	孫近
孫達	孫昉
孫汲	孫億
孫義伯	孫博
孫之翰	孫緯

孫傳	孫璉
孫可元	孫益
孫谷	孫中
孫方武	孫欽
孫鑰	孫鉉
孫賈魚	

氏族典第一百四十七卷

孫姓部列傳三

唐

孫伏伽

按唐書孫伏伽傳伏伽貝州武城人仕隋以小史累勞補萬年縣法曹高祖武德初上言三事帝大悅以爲治書侍御史初帝受禪伏伽最先諫帝欲盡下情故不次見拔以示羣臣是時軍興賦斂重伏伽數請釐損又表置諫官帝皆欽納太宗即位遷大理少卿後坐奏囚失免官起爲刑部郎中累遷大理卿久之出爲陝州刺史致仕顯慶三年卒

孫思邈

按唐書孫思邈傳思邈京兆華原人通百家說善言老子莊周洛州總管獨孤信見其少異之曰聖童也顧器大難爲用爾及長居太白山隋文帝輔政以國子博士召不拜密語人曰後五十年有聖人出吾且助之太祖初召詣京師年已老而聽視聰瞭帝歎曰有道者欲官之不受顯慶中復召見拜諫議大夫

欽定古今圖書集成明倫彙編氏族典

第一百四十七卷目錄

孫姓部列傳三

唐

孫伏伽	孫思邈
孫處約	孫邈
孫佺	孫洵
孫倚相	孫成
孫孝哲	孫公器
孫旣	孫樵
孫簡	孫惺
孫景商	孫儒
孫儲	孫惟最
孫萬登	孫德昭
孫揆	孫鯨
孫益	孫邵
孫虔禮	孫顯忠
孫盈	孫惠
孫陟	孫漢威
後晉	孫漢韶
孫德威	孫方諫
孫瑛	孫光憲
孫謙	
後周	
孫晟	
宋一	
孫行友	



孫降衷	孫達吉
孫欽	孫承祐
孫承睿	孫庸
孫全照	孫冕
孫何	孫僅
孫浦	孫爽
孫冲	孫長卿
孫瑜	孫沔
孫唐卿	孫復
孫知微	孫錫
孫伴	孫扑
孫祖德	孫奕
孫立節	孫繼鄴
孫甫	孫抗
孫觀	孫覺
孫覽	孫節
孫珪	孫未
孫固	孫思恭
孫洙	孫路
孫升	孫構
孫磐	孫譚
孫繩	孫勳
孫諭	孫近
孫達	孫昉
孫汲	孫億
孫義伯	孫博
孫之翰	孫緯

孫傳	孫璉
孫可元	孫益
孫谷	孫中
孫方武	孫欽
孫鑰	孫鉉
孫賈魚	

氏族典第一百四十七卷

孫姓部列傳三

唐

孫伏伽

按唐書孫伏伽傳伏伽貝州武城人仕隋以小史累勞補萬年縣法曹高祖武德初上言三事帝大悅以爲治書侍御史初帝受禪伏伽最先諫帝欲盡下情故不次見拔以示羣臣是時軍興賦斂重伏伽數請釐損又表置諫官帝皆欽納太宗卽位遷大理少卿後坐奏囚失免官起爲刑部郎中累遷大理卿久之出爲陝州刺史致仕顯慶三年卒

孫思邈

按唐書孫思邈傳思邈京兆華原人通百家說善言老子莊周洛州總管獨孤信見其少異之曰聖童也顧器大難爲用爾及長居太白山隋文帝輔政以國子博士召不拜密語人曰後五十年有聖人出吾且助之太祖初召詣京師年已老而聽視聰瞭帝歎曰有道者欲官之不受顯慶中復召見拜諫議大夫

固辭上元元年稱疾還山高宗賜良馬假鄱陽公主邑司以居之思邈於陰陽推步醫藥無不善孟詵盧照鄰等師事之初魏徵等修齊梁周隋等五家史屢咨所遺其傳最詳末淳初卒年百餘歲遺令薄葬不藏明器祭去牲牢孫處約常以諸子見思邈曰俊先顯伯晚貴佞禍在執兵後皆驗太子詹事盧齊卿之少也思邈曰後五十年位方伯吾孫爲屬吏願自愛時思邈之孫溥尚未生及溥爲蕭丞而齊卿徐州刺史

孫處約

按唐書孫處約傳處約始名道茂汝州郟城人貞觀中爲齊王祐記室祐多過失數上書切諫王誅帝得其書吞嘆之擢中書舍人高宗即位以論譚勞再遷司禮少常伯麟德元年以西臺侍郎同東西臺三品爲少司成以老致仕卒

孫暹

按萬姓統譜暹富春人因顧野王玉篇增加字三十卷舊一十五萬八千六百四十一言新五萬一千一百二十九言總二十萬九千七百七十言註四十萬七千五百有三十字爲大廣益會玉篇大槩本說文以高宗上元元年甲戌歲四月書成

孫佺

按唐書孫處約傳處約子佺延和初爲羽林將軍幽州都督率兵討奚大敗見獲送默啜所殺之按唐書佺之四

孫遜

按唐書孫遜傳遜博州武水人後魏光祿大夫惠蔚

其先也祖希壯爲韓王府典籤父嘉之襄邑令遜幼有文屬思警敏舉文藻宏麗等科開元十年又舉賢良方正擢左拾遺李嵩鎮太原表置幕府以起居舍人入爲集賢院修撰改考功員外郎俄遷中書舍人是時嘉之且八十猶爲令遜求降外官增父秩拜嘉之宋州司馬聽致仕父喪缺復拜舍人開元間蘇頌齊澣蘇晉賈會韓休許景先及遜典詔諡爲代言最而遜尤精密居職八年判刑部侍郎以病風乞解徙太子左庶子徙少詹事上元中卒諡曰文

孫倚相

按萬姓統譜倚相南平人仕爲秘書省正字隸校羣書多所刊定其子崇義天寶末爲幽州大將以雄烈聞孫從政有風標

孫洵

按萬姓統譜洵父光裕鄭州刺史居官清愿以良吏稱撫諸弟友愛洵有父風以雅睦保家士友推之天寶中爲給事中遷襄州刺史安祿山犯洛爲江陵大都督長史以禦賊卒贈禮部尚書諡曰懿

孫孝哲

按唐書安祿山傳孫孝哲契丹部人母冶色祿山通之故孝哲得狎近長七尺伉健有謀能先事取情天寶末官大將軍賊僭位僞拜殿中監開府使爵爲王與嚴莊爭寵不平裘馬光侈食輒珍滋賊令監張通儒等守長安人皆目之殺妃王宗室子百餘人窮誅楊國忠高力士黨與及與賊忤者不勝計祿山死莊奪其使以與鄧季陽

孫成

按唐書孫遜傳遜子成字思退推廕仕累洛陽長安令兄宿爲華州刺史因悻病瘠成請告往視不待報輒行代宗嘉其悌不責也稍遷倉部郎中京兆少尹爲信州刺史徙蘇州改桂管觀察使卒

孫旣

按萬姓統譜旣樂安人母喪廬墓髮斷面垢疋瘡骨立俄有醴泉湧於墓側里人名之曰孝源泉貞元中刻碑今尚存

孫公器

按唐書孫遜傳遜子成成子公器至邕管經略使

孫簡

按唐書孫遜傳遜子成成子公器公器子簡字樞中元和初登進士第辟鎮國荆南幕府累遷左司吏部二郎中繇諫議大夫知制誥進中書舍人會昌初遷尚書左丞歷河中興元宜武節度使檢校尚書右僕射東都留守弟範爲淄青節度使

孫樵

按唐書藝文志孫樵經緯集三卷注樵字可之大中進士第

孫景商

按唐書朱朴傳孫偃父景商爲天平軍節度使

孫咸

按西陽雜俎襄州小將孫咸暴卒信宿却蘇言至一處有吏引一僧對事云常囑孫咸寫法華經敕言追對初咸不省僧固執之忽見沙門白地藏語云若弟子招承亦自復祐咸依言乃得無事遂破家寫經因請出家

孫儒

按唐書朱杲傳孫儒兄儲歷天雄節度使終兵部尚書

孫僊

按唐書朱杲傳與杲皆相者孫僊字龍光第進士歷顯官以戶部侍郎同中書門下平章事遷門下爲鳳翔四面行營都統俄兼禮部尚書行營節度諸軍都統招討處置等使始家第堂柱生槐枝斯而茂既而僊秉政封安樂縣侯與杲皆徙衡州司馬卒

孫萬登

按尚友錄萬登青州人咸通時任金吾上將軍受命南征既平值唐祚移孤軍不能討賊日北向泣因家休寧名其里曰唐里仍建李天王廟以奉故王今江南孫姓蕃盛蓋其忠貞之報云

孫惟最

按五代史孫德昭傳德昭父惟最有材略黃巢陷長安惟最率其鄉里子弟得義兵千人南攻巢於咸陽與平州將壯其所爲益以州兵二千與破賊功拜右金吾衛大將軍朱攻亂京師信宗幸興元惟最率兵擊賊累遷鄜州節度使雷京師宿衛鄜州將吏詣闕請惟最之鎮京師民數萬與神策軍復遮留不得行改荆南節度使在京制置分判神策軍號恩爲都是時京師數亂民皆賴以爲保

孫揆

按唐書黃碣傳孫揆字聖圭刑部侍郎遷五世從孫也第進士辟戶部巡官歷中書舍人刑部侍郎京兆尹昭宗討李克用以揆爲兵馬招討制置宣慰副使

既而更授昭義軍節度使以本道兵會戰克用伏兵刀黃嶺執揆厚禮而將用之揆大罵不諫克用怒使以鋸解之鋸齒不行揆謂曰死狗奴解人當束之以板汝輩安知行刑者如其所言言聲不輟至死昭宗憐之贈左僕射

孫儒

按唐書孫儒傳儒河南南人以趨干橫里中諫忠武軍爲裨校與劉建鋒善黃巢亂以兵屬秦宗權爲都將會楊行密得揚州宗權使弟宗衡爭淮南以儒爲副建鋒爲前鋒未幾汴兵攻秦宗權召之儒稱疾不往宗衡督之即斬宗衡并其衆與建鋒等盟有騎七千因略定傍州不淹旬兵數萬號土團白條軍破揚州自爲淮南節度使納款於汴送宗衡秦彥舉師鐸首朱全忠以聞昭宗授儒檢校司空全忠署爲招討副使龍紀初悉兵攻宣州行密取淮南儒還行密走始得潤常蘇三州兵益彊儒謀定江南乃北爭天下畏全忠播虛乃遣人卑辭厚賄全忠薦於昭宗授淮南節度使大順元年行密取潤常儒怒分軍度江明年儒營廣德乘勝至東溪淮人大恐其年秋焚揚州引而西傳檄遠近號五十萬旌旗相屬數百里行密使陶雅扼其歸路景福元年行密分兵攻廣德壁而絕饋道軍適大疫儒病店行密皆城決戰儒軍大敗儒病甚股并不能興田頌執儒獻行密刑於市傳首關下及馬殷據湖南表贈司徒樂安郡王

孫鑑

按宋史孫何傳何祖鑑唐末秦宗權據州強以資佐起之鑑僞疾不應還家以教授爲業

孫德昭

按五代史孫德昭傳德昭鹽州五原人以父任爲神策軍指揮使光化三年劉季述廢昭宗幽之東宮宰相崔胤謀返正陰使人求義士德昭乃應引天復元年正月朔未旦季述將朝德昭伏甲士道旁邀其輿斬之破鎖出昭宗御丹鳳樓返正以功拜靜海軍節度使賜姓李號扶傾濟難忠烈功臣拜節度使同中書門下平章事是時崔胤欲誅唐宦官外交梁以爲特而宦者韓全海却昭宗幸鳳翔德昭與梁率兵衛引及百官保東街趣梁兵以西梁太祖頗德其附已太祖至京師表同州留後將行京師民復請留雷爲兩街制置使昭宗東遷拜左威衛上將軍以疾免太祖即位以爲左衛大將軍末帝立拜左金吾大將軍卒

孫虔禮

按尚友錄虔禮字過庭吳人官曹工書至能品書著書論妙盡其趣即書譜也子翔亦能書

孫勛

按全唐詩話勛南昌人唐末鄭谷避亂歸宜春勛往依之頗爲誘掖後有能詩聲終於南唐

孫盈

按尚書故實京師書僧孫盈者名甚著父曰仲容亦鑒書精於品目衆家所寶多經其手真偽無逃焉右軍借船帖是孫盈所書

孫邵

按十國春秋吳越孫邵明州奉化人也自幼負氣岸博學高才唐末爲左拾遺朱全忠篡唐著春秋無賢

人論即脫冠裳服布衣歸隱於奉化山著書紀年悉用甲子以示不臣之義

孫陟

按十國春秋吳越孫陟新城人武肅王時歷官杭州刺史加檢校尚書已而防禦常州調兵督戰歿於陣以卹禮歸葬於邑之太平鄉贈銀青光祿大夫上柱國

孫顯忠

按十國春秋吳越孫顯忠錢塘人爲名將金沙灘有履泰將軍廟卽其人也

後晉

孫德威

按十國春秋南漢孫德威勇敢有氣力數從高祖征伐戰闕常冠軍大有九年將兵侵楚蒙桂二州已而爲楚文昭王所逼遂自蒙州引還後數年卒

孫惠

按十國春秋南漢孫惠事高祖父子爲法物使光天元年繼蕭規告卽位於金陵大得使臣體時人稱其才

孫琰

按十國春秋吳越孫琰臨海人驍勇有智時人謂之孫百計積功至牙將守蘇州天寶二年淮南周本呂師造圍蘇州攻法凡百出不可窮最後推洞屋攻城若枰然琰隨機應敵置輪於竿首垂絙投錐以揭之攻者盡露及礮至則張網以拒礮遇網輒止竟無所施淮南兵遂夜遁

孫漢威

按十國春秋南唐孫漢威事烈祖爲小校烈祖輔吳日與諸鎮臣會射延賓亭時劉信擊牙注矢揖擬四坐漢威疑不利於烈祖忽引身墜烈祖以己當之自是益加寵遇累官侍中奉化軍節度使

孫謙

按宋史曹利用傳孫繼鄴祖謙事李昇爲長劍都指揮使南伐閩援兵不至戰死

孫漢韶

按十國春秋後蜀孫漢韶振武人也父重進爲後唐太祖養子賜姓名李存進莊宗時與張處球戰沒於陳漢韶仕明宗爲武定軍節度使復本姓潞王從珂之亂也漢韶與張虔釗等奏合兵討之已而虔釗會官軍攻鳳翔留漢韶守興元虔釗敗歸遂與漢韶兩鎮降高祖明德元年七月署爲永平軍節度使廣政時改山南西道節度使移兵攻固鎮扼散關後主得盡有秦鳳階成之地者漢韶與有功焉俄授左匡聖都指揮使又遷捧聖控鶴都指揮使兼中書令十八年加武信軍節度使封樂安郡王罷軍職年七十餘薨

後周

孫晟

按五代史孫晟傳晟初名鳳又名忌密州人也好學有文辭尤長於詩少爲道士居廬山簡寂宮嘗畫唐詩人賈島像置於屋壁晨夕事之簡寂宮道士惡晟以爲妖以杖驅出之乃儒服北之趙魏謁唐莊宗於鎮州莊宗以晟爲著作佐郎天成中朱守殷鎮汴州辟爲判官守殷反伏誅晟乃棄其妻子亡命陳宋之

間安重誨惡晟畫其像購之不可得遂族其家晟奔於吳是時李昇方募楊氏多招四方之士得晟以爲右僕射晟事昇父子二十餘年官至司空家益富驕每食不設几案使衆奴各執一器環立而侍號肉臺盤周世宗征淮李景懼遣晟奉表言景願割壽淝泗楚光海六州地歲貢百萬以佐軍而世宗欲盡取淮南因畱不遣世宗以暑雨班師畱李重進張永德等分攻廬壽周兵所得揚泰諸州皆不能守景兵復振重進與永德兩軍相疑景乃以蠟丸書遺重進勸其反已而周兵數敗世宗憂之召晟問江南事晟不對世宗怒未有以發會重進以景書來上多斥周過惡以爲言由是收晟下獄殺之晟臨死神色怡然正其衣冠南望而拜乃就刑景聞晟死贈魯國公

孫方諫

按五代史孫方諫傳方諫鄭州清苑人也初定州西北有狼山堡定人常保以避契丹有尼深意居其中以佛法誘民氏多歸之後尼死堡人言其尸不朽因奉而事之尼姓孫氏方諫自以爲尼族人卽繼行其法堡人推以爲主皆出帝時義武軍節度使惡方諫聚徒山中恐爲邊患因表以爲遊弈使方諫因有所求不得乃北通契丹契丹後滅晉以方諫爲義武軍節度使已而徙方諫於雲中方諫不受命率其徒復入狼山漢高祖起方諫歸漢高祖嘉之拜義武軍節度使周太祖時徙鎮鎮國以其弟行友爲定州畱後世宗攻太原方諫朝于行在從還至洛得疾徙鎮鎮國卒于洛陽年六十二贈太師

宋一

孫行友

按宋史孫行友傳行友莫州清苑人世業農初定州西有狼山堡遷人賴之以避寇有尼姓孫氏名深意有術惑眾及尼坐亡行友神其事因以其術燃香燈聚民漸聚晉少帝以孫方諫為邊界遊奕使行友副之契丹陷中原歸命於漢授易州刺史及周祖受命以行友為定州雷後顯德初正授節鉞世宗自河東還加檢校太傅宋初加同平章事狼山佛舍妖妄愈甚衆趨之不可禁行友不自安屢表乞解官歸山詔不允建隆二年乃從其幣屢召集丁壯繕治兵甲欲還狼山以自固兵馬都監樂繼能密表其事太祖遣關門副使武懷節馳騎會鎮趙之兵稱巡邊直入其城令舉族赴關行友倉皇應命下詔切責削奪官爵未幾以郊祀恩起為右龍武軍將軍乾德二年遷右監門衛大將軍又改左龍武軍大將軍太平興國六年卒年八十贈左衛上將軍

孫光憲

按十國春秋荆南孫光憲字孟文貴平人家世業農至光憲獨讀書好學唐時為陵州判官有聲天成初避地江陵武信王奄有荆土招致四方之士用梁震薦入掌書記王方大治戰艦欲與楚角光憲諫乃止文獻王立以政事委光憲王羨馬氏豪族謂僚佐曰如馬王可為大丈夫矣光憲曰天子諸侯禮有等差彼乳臭子徒驕倨僭汰取快一時危亡無日又足慕乎王悟曰公言是也為梅謝者久之光憲事南平三世皆處幕中累官荆南節度使朝儀郎檢校秘書少監試御史中丞賜紫金魚袋繼冲時宋使慕容延釗

等平湖南假道于荆約以兵過城外大將李景威勸繼冲嚴兵備之光憲叱之曰汝峽江一民爾安識成敗中國自周世宗時已有混一天下之志况聖宋受命真主出邪王師未易當也因教繼冲去斥堠封府庫以待悉獻三州之地宋太祖嘉其功授光憲黃州刺史賜賚加等在郡亦稱治乾德末卒

孫降衷

按十國春秋後蜀孫降衷眉山人博學慷慨有識量廣政時以事至洛陽見宋太祖于未遇之時知其非常人傾心事之及後主降宋宋太祖召見降衷授眉州別駕賜田遣歸市書萬卷而還

孫逢吉

按十國春秋後蜀孫逢吉成都人廣政時累遷國子毛詩博士校定石經分刻蜀中逢吉與何中正之功為多

孫欽

按十國春秋後蜀孫欽幽州安次人為人果幹多權略事高祖及後主歷官左奉聖都指揮使廣政中郭延鈞判武德軍與監押王承丕不相協承丕陰謀作亂會欽以部兵戍邊過解承丕承丕不換與俱見延鈞至則稱詔命左右擊殺延鈞屠其家欽遽請出詔紙示衆承丕輒言我能致公富貴何問詔書為欽知其反也因給曰今內外未安我當以部兵為公巡察即麾鞭躍馬而出承丕連呼之不至欽至營諭其部曲曰承丕不道枉殺府公非反而何當與衆共誅之遂帥兵入府攻承丕承丕左右欲拒戰欽直前叱之皆棄兵走執承丕斬于塔下并其親黨傳首成都

孫承祐

按十國春秋吳越孫承祐杭州錢塘人忠懿王納其女兄為妃因擢處要職累遷浙江東道鹽鐵副使鎮海鎮東兩軍節度副使知靜海軍節度事開寶初官鎮東鎮海等軍行軍司馬隨世子惟濬入貢于宋宋太祖詔授光祿大夫檢校太保未幾忠懿王嘗為中軍節度使七年王復遣承祐貢于宋太祖賜襲衣玉帶鞍勒馬黃金器五百兩銀器三千兩雜絲五千匹且令諭旨於王將有事於江表已而從王克常州功居多會宋詔改中吳為平江即授承祐鎮平江軍太平興國初王盡獻吳越地徙承祐奉軍軍節度使五年從幸大名雷知府事雍熙二年改知滑州數月卒贈太子太師

孫承睿

按宋史孫繼鄴傳繼鄴祖謙事李昇為長劍都指揮使南伐闔援兵不至戰死父承睿時為小校憤將兵者不如期致其父沒乃刺殺之亡去轉徙淮楚間久之入京師以策上太宗授左班殿直終左藏庫使

孫庸

按宋史孫何傳何父庸字鼎臣顯德中獻贊聖策九篇世宗命書試補開封兵曹掾建隆初為河南簿太平興國六年鴻臚少卿劉章薦其材改左贊善大夫歷殿中丞知龍州而卒

孫全照

按宋史孫行友傳行友子全照字繼明以蔭補殿直雍熙中授京南巡檢俄隸幽州部署曹彬麾下遷供奉官閤門祗候歷靜戎威遠二軍監軍從田重進擊

賊有功就加西京作坊使連爲廣韶鄰延二路都巡檢使淳化五年率兵與李繼隆克綏州因戍守之俄護屯兵於夏州兼知州事召還爲登萊路都巡檢使遷左藏庫使延州監軍兼阿都關廬關路都巡檢事咸平初入掌軍頭引見司二年加如京使爲涇原路鈐轄兼安撫都監徙并汾等州都巡檢使三年改知順安軍代還復爲環慶路鈐轄與李繼和規度靈州道路四年加西上閣門使復爲環慶路鈐轄五年知天雄軍府六年命爲平邊軍部署景德元年上幸澶淵命爲駕前西面邢洛路馬步軍鈐轄兼天雄軍駐泊兼管勾東南貝冀等州鈐轄全昭言若敵騎南逼魏城但得騎兵千百必能設奇取勝既而邊騎果逼府城全昭拒退之命知軍府事以城守勞加檢校工部尚書徙鎮州召還進東上閣門使領英州刺史全昭形短精悍知兵以嚴毅整衆然性剛使氣專任刑罰三年爲邠寧環慶都部署徙知永興軍府仍拜四方館使兼駐泊鈐轄大中祥符中遷引進使驗歲表求歸朝命掌閣門客省四方館事四年車駕西幸雷爲新城都巡檢永幾卒年六十

孫冕

按尚友錄冕字伯純新淦人雍熙間舉進士後守蘇州甫及引年大書一詩于壁有曰莫待朝廷差致仕蚤謀泉石養閒身題畢拂衣歸九華山再召竟不起

孫何

按宋史孫何傳何字漢公蔡州汝陽人十歲識音韻十五能屬文篤學嗜古在貢籍中甚有聲淳化三年舉進士開封府禮部俱首薦及第又得甲科解褐將

作監丞還判陳州召入直史館遷祕書丞京西轉運副使歷右正言改右司諫咸平二年冬從幸大名俄權戶部判官出爲京東轉運使未幾徙兩浙轉運使加起居舍人景德初代還判太常禮院俄命知制誥掌三班院何先以被疾勉強親職一日奏事上前墜奏牘於地俯而取之忽墜笏有司劾以失儀詔釋之何慚上章求改少卿監分司西京養疾上不許是冬卒年四十四上聞之憫惜錄其子言爲大理評事何樂名教勤接士類然性下急不能容物在浙右專務峻刻州郡病焉

孫僅

按宋史孫何傳何弟僅字鄰幾少勤學有名于時咸平元年進士甲科兄弟連冠貢籍時人榮之解褐舒州團練推官會詔舉賢良方正之士趙安仁以僅名聞策入第四等擢光祿寺丞直集賢院俄知浚儀縣景德初拜太子中允開封府推官北邊請盟遣使交聘僅首爲國母生辰使改本府判官遷右正言知制誥同知審官院是冬未與孫全昭求代眞宗命知永興軍府僅純厚長者爲政頗寬大中祥符元年加比部員外郎代還知審官院院之拜右諫議大夫集賢院學士權知開封府改左諫議大夫出知河中府歸朝復領審官院久次進給事中天禧元年正月卒年四十九錄其子大理評事和爲衛尉寺丞僅性端慤中立無競篤於儒學士大夫推其履尚弟侑亦登進士第至殿中丞

孫浦

按宋史裴承詢傳咸平後有保定軍孫浦十世同居

孫奭

按宋史孫奭傳奭字宗古博川博平人後徙居須城九經及第爲莒縣主簿遷大理評事爲國子監直講眞宗以爲諸王府侍讀會詔百官轉對奭上十事判太常禮院累遷工部郎中擢龍圖閣待制奭以經術進守道自處即有所言未嘗阿附取悅大中祥符初得天書於左承天門帝將奉迎王旦等皆再拜稱萬歲奭曰臣愚所聞天何言哉豈有書也四年又將祀汾陰是時大旱京師近都穀踊貴奭疏十不可帝遣內侍皇甫繼明就問又上疏六年又上疏帝作解疑諭以示羣臣然知奭朴忠客之而弗斥居二年遷左諫議大夫糾察在京刑獄天禧中朱能獻乾祐天書復疏言其妄未幾能果敗仁宗即位宰相請擇名儒乃召爲翰林侍讀學士知審官院三遷兵部侍郎龍圖閣學士每講論至前世亂君亡國必反覆規諷仁宗意或不在書奭則拱默以俟帝爲悚然改聽每進見未嘗不加禮以太子少傅致仕卒諡曰宣

孫冲

按宋史孫冲傳冲字升伯趙州平棘人舉明經歷古田青陽尉鹽山麗水主簿喪父母去官後舉進士登甲科授將作監丞歷通判晉絳保州坐與保州守爭事降監吉州酒累遷太常博士河決棣州知天雄軍寇準請徙州治河冲往按視還以知棣州就除殿中侍御史準爲樞密使卒徙州信陽而冲坐守護河堤過嚴民輸送往來堤上者輒榜之爲使者論奏徙知襄州會京西蝗眞宗遣中使督捕至襄怒冲不出迎乃奏蝗唯襄爲甚而州將日置酒無卹民意帝怒

命卽州置獄冲得屬縣言歲稔狀馳驛上之帝悟以侍御史爲京西轉運塞滑州決河權知滑州參知政事魯宗道總河事欲盛夏與役冲言徒費新健困人力雖塞必決遂罷知河陽累遷刑部郎中歷湖北河東轉運使人判登聞鼓院以目疾改兵部郎中直史館知河中府從潞州復爲河東轉運使遷太常少卿擢右諫議大夫復知潞州遷翰林院學士及徙同州權西京副司御史臺遷給事中喪明卒冲爲吏所至以強幹稱能任鈞距多事情然無家法晚節尤寡廉聲

孫長卿

按宋史孫長卿傳長卿字次公揚州人以外祖朱巽任爲祕書省校書郎天禧中巽守雍命隨所取浮圖像入見仁宗欲留侍東宮辭以母疾詔還官知楚州糧料院通判河南府知和州提點益州路刑獄歷開封鹽鐵判官江東淮南河北轉運使江浙荆淮發運使改陝西都轉運使踰年知慶州加集賢院學士河東都轉運使拜龍圖閣直學士知定州熙寧元年河北地大震城郭倉庾皆隕長卿盡力繕補神宗知其能轉兵部侍郎留再任明年卒年六十六

孫瑜

按宋史孫瑜傳瑜字叔禮博平人以父任爲將作監主簿賈昌朝薦爲崇文檢討同知禮院開封府判官使契丹適西討捷書至館伴要入賀瑜不肯加祕閣校理兩浙轉運使遷知曹州徙知蔡州累官工部侍郎卒年七十九始夷之亡朝廷錄其子孫時瑜之子爲諸孫長瑜曰吾忍因父喪而官吾子乎以兄之孤

上之瑜天性整敏齊家以嚴稱善與人交一受知終身不易

孫沔

按宋史孫沔傳沔字元規越州會稽人中進士第補趙州司理參軍跌蕩自放不守士節然材猛過人後以祕書丞爲監察御史裏行景祐元年同安縣尉李安世上書指切朝政被劾沔奏請勿治黜知衡山縣道上書言時事再貶永州監酒移通判潭州知處州復爲監察御史再知楚州所在皆著能迹名爲左正言論事益有直名遷尚書工部員外郎提舉兩浙刑獄遂以起居舍人爲陝西轉運使時宰相呂夷簡求罷仁宗優詔弗許沔上書言夷簡當黜書聞帝不之罪議者喜其善切居兩月以天章閣待制爲都轉運使又遷禮部郎中爲環慶路都總管安撫經略使知慶州歷知陝西河東都轉運使又知慶州遷人服其能遷龍圖閣直學士又遷樞密直學士知成都府未至以母喪罷服除爲陝西都轉運使求知明州會京東多盜乃以知徐州徙秦州時儂智高反沔入見帝以秦事勉之對曰秦州不足煩聖慮陛下當以嶺南爲憂也明日聞蔣偕死帝諭執政曰南事誠知沔所料以爲湖南江西路安撫使加廣南東西路安撫使智高敗走沔留治後事遷給事中及還以知杭州至南京召爲樞密副使張貴妃薨追問爲皇后命沔讀冊故事正后翰林學士讀冊沔陳不可遂求罷職以資政殿學士知杭州遷大學士徙知青州又遷觀文殿學士知并州而諫官吳及御史沈起奏沔淫縱無檢乃徙壽州詔按其迹責寧國節度副使監司坐失

察被絀後復光祿卿分司南京居宿州會恩知濠州以尚書禮部侍郎致仕英宗卽位遷戶部帝與執政議守邊者難其人參知政事歐陽修奏孫沔遂起爲資政殿學士知河中府又以爲觀文殿學士知慶州徙延州道卒沔居官以才力聞疆直少所憚然喜宴遊女色故中間坐廢

孫唐卿

按宋史孫唐卿傳唐卿字希元青州人少有學行年十七以書謁韓琦琦有名一時唐卿初中第通判陝州於吏事若素習民有母再適人而死及葬其父恨母之不得附盜母之喪而同葬之有司論以法唐卿時權府事乃曰是知有孝而不知有法爾乃釋之以聞未幾丁父憂毀瘠嘔血而卒詔贈其家

孫復

按宋史孫復傳復字明復晉州平陽人舉進士不第退居泰山學春秋著尊王發微十二篇復年四十不娶李迪知其賢以其弟之子妻之范仲淹富弼皆言復有經術宜在朝廷除祕書省校書郎國子監直講召爲通英閣祕候說書楊安國言其講說多異先儒罷之孔直溫敗得所遺復詩坐貶處州監稅徙泗州又知長水縣簽書應天府判官事通判陵州未行翰林學士趙鼎等言復經爲人師不宜使佐州縣留爲直講稍遷殿中丞卒

孫知微

按尚友錄知微善書張乖崖鎮蜀雅慕之欲一見一日聞知微在僧舍亟詣之知微卽投簡遁去後乖崖還朝路出劍閣逢一村童負篋迎于道左曰適山人

命我以此爲獻啓篋視之乃畫一幅張知是知微即問童子所在曰已去遠矣及馬知節來守成都與知微遊甚好得其畫甚多馬解金帶以贈知微繫金帶竿袍上人見其標韻蕭散白衣金帶皆以爲思邈太白復出

孫錫

按尚友錄錫儀真人舉進士第以文章見稱居官忠厚正直除刑部有逮捕繫獄者一百二十人勅遇赦不原錫獨奏釋之後持憲淮南考課爲天下第一知舒州發陳州廣惠倉以活陳許類蔡流人不可勝數官至司封郎中

孫倅

按宋史孫倅傳倅字少述與王安石曾輩游名傾一時早孤事母盡孝居江淮間士大夫敬畏之劉敞知揚州言其孝弟忠信足以扶世矯俗求之朝廷呂公著王安石之流也詔以爲揚州教授辭散守永興辟入幕府亦辭英宗時沈構及王陶韓維連薦之授忠武軍推官常州判官皆不赴少與王安石友善石爲相過眞州與相見倅待之如布衣交卒年六十六初王回王令常與倅皆有盛名回令不壽秩爲隱不竟唯倅以不仕始終

孫抃

按宋史孫抃傳抃字夢得眉山人六世祖長孺喜藏書號書樓孫氏子孫以田爲業至抃始讀書屬文中進士以大理評事直集賢院通判絳州召試學士院除太常丞直集賢院爲開封府推官判三司開拆司同修起居注以右正言知制誥遷起居舍人翰林學

士兼侍讀學士史館修撰累遷尚書吏部郎中皇祐中以右諫議大夫權御史中丞且命知審官院抃辭以任責不當兼事局乃止在臺數言事不爲矯激尤喜稱薦人才改翰林學士承旨復兼侍讀學士再遷禮部侍郎既而樞密副使程戡罷命抃參知政事抃性篤厚寡言質略無威儀居兩府年益老無所可否又善忘御史韓琦彈奏之罷爲觀文殿學士同羣牧制置使復兼侍讀學士英宗即位進戶部侍郎告老以太子少傅就第卒贈太子太保諡文懿

孫祖德

按宋史孫祖德傳祖德字延仲濰州北海人父航監察御史祖德進士及第調濠州推官改大理寺丞知榆次縣上書言刑法重輕以尚書屯田員外郎通判西京留守司入爲殿中侍御史章獻太后春秋高疾加劇祖德請還政及太后崩諸嘗言還政者多進用遂擢尚書兵部員外郎知諫院言郭皇后不當廢獲罪久之遷天章閣待制出知兗州蔡州末與軍從鳳翔府改龍圖閣學士知梓州累遷右諫議大夫知河中府歷陳許蔡潞鄆亳州應天府以疾得頴州除吏部侍郎致仕卒

孫奕

按福州府志奕字景山閩縣人皇祐元年進士歷知南陵海陵二邑呂誨知開封薦知封丘誨爲御史中丞又薦爲臺推遷監察御史論新法不便爲鄧綰所劾出監陳州酒稅陳襄知杭州辟簽判襄在經筵又薦其行事著于鄉閭節義信于朋友歷官所至以善政聞可謂循吏宜使當一路以厚俗安民元祐初除

福建轉運使

孫立節

按尚友錄立節字介夫事李泰伯友曾子固學問淹貫孫復嘗著春秋發微見立節所作撫卷嘆曰吾力所未及者盡發之擢皇祐五年進士時行新法蘇轍議不合去王安石語立節曰吾條例司當得明敏如子者立節笑曰公過矣若我輩人亦不肯爲條例司遂趨出後爲鎮江軍書記監司獨敬憚之

孫繼鄴

按宋史曹利用傳孫繼鄴字元嗣其先金陵人初以三班奉職監洛陽酒稅會宜州陳進反曹利用辟以自隨爲前驅破賊于象州大烏嶺以功遷左侍禁端州兵馬監押徙秦州未嘗總徒城洛門改西頭供奉官晁迥薦爲閤門祇候上禦戎策十數事又用曹瑋薦爲鄜延路兵馬都監徙知環州累遷崇儀副使會修築洪德砦與總兵者論事不協絀爲眞州兵馬都監起知保安軍徙涇州使契丹樞密使曹利用欲用之繼鄴惡其權盛將有禍數以疾辭遂除左龍武軍統軍致仕利用貶復爲崇儀副使遷供備庫使知石州徙保州領恩州刺史知雄州累遷西上閤門使擢爲龍神衛四廂都指揮使端州防禦使出爲瓊慶路副都總管道改涇原路兼知渭州爲方軍都虞候徙眞定路卒

孫甫

按宋史孫甫傳甫字之翰許州陽翟人少好學日誦數千言慕孫何爲古文章初舉進士得同學究出身爲蔡州汝陽縣主簿再舉進士及第爲華州推官轉

運使李紱薦其才遷大理寺丞知絳州翼城縣杜衍辟為未與司錄徒知未昌監益州交子務再遷太常博士衍為樞密副使薦于朝授祕閣校理改右正言甫嘗言參知政事陳執中不學亡術不可用帝難之由是求補外不許後以右司諫出知鄧州徙安州歷江東兩浙轉運使再遷尚書兵部員外郎改直史館知陝州徙晉州為江東轉運使三司度支副使遷刑部郎中天章閣待制河北都轉運使留為侍讀卒特贈右諫議大夫甫性勁果善持論有文集七卷著唐史記七十五卷

孫抗

按萬姓統譜抗字和叔豎人少孤力學寄食浮屠山中數年遂博極羣書為文操筆數千百言始同學究出身歷官後登進士甲科知漳州改作廟學召吏民子弟秀者親據案講說文藝未幾旁州士皆來學擢監察御史言事不顧利害子適邇迤迤適從王荆公游年十四論議著書已驚人登第後終未州軍事推官邇嘗為縣令荆公亦稱其好學能文自迪以下及孫略皆登進士第

孫觀

按武進縣志觀字仲益別號鴻慶居士宋嘉祐二年蘇軾與陽羨蔣之奇同宴瓊林日坐相接慕陽羨山水之勝遂約卜居有單錫亦同年進士妻以甥女托問田于常又遇鄉人孫治見其愿慈好義貧而鰥居後有黃州之逐以一妾贈之知有孕且囑焉在黃州欲移臨汝軾上章言有田在常願得居之上允遂返于常他日訪孫治果得子已能讀書矣因命名曰觀

軾卒于顧塘橋孫氏之館觀大觀三年進士舉詞學兼茂科仕至翰林學士歷吏戶二部尚書立朝正直南渡後因忤執政退居湖濱西徐里置別業曰十畝坊耕桑其間著鴻慶集

孫覺

按宋史孫覺傳覺字莘老高郵人登進士第調合肥主簿嘉祐中擇名士編校昭文書籍覺首預選進館閣校勘神宗即位直集賢院為昌王記室擢右正言邵亢在樞府無所建明神宗語覺欲出之用陳升之以代覺退即奏疏如所言神宗以為希旨奪官兩級覺連章丐去乃通判越州復右正言徙知通州熙寧二年詔知諫院同修起居注知審官院王安石早與覺善驟引用之時援以為助而安石青苗法行覺奏條其妄安石出知廣德軍徙湖州廣州改右司諫以祖母喪求解官下太常議不可詔知潤州覺已持喪矣服除知蘇州徙福州連徙毫揚徐州知應天府入為太常少卿易祕書少監哲宗即位兼侍讀遷右諫議大夫論宰相蔡確韓縝進不以德確自訟有功無罪覺隨所言折之確竟去縝白遷覺給事中辭進吏部侍郎領右選改主右選擢御史中丞數月以疾請罷除龍圖閣學士兼侍講提舉醴泉觀求舒州靈仙觀以歸哲宗遣使存勞卒年六十三覺有德量為王安石所逐紹聖中以覺為元祐黨奪職追兩官徽宗即位復官職

孫覽

按宋史孫覽傳覽字傳師權第知尉氏縣有屯將遇下虐士卒謀因大閱殺之以叛覽聞馳往諭之

衆意遂安神宗壯其才以為司農主簿舒亶判寺且兼諫院欲引覽自助覽拒不答亶怒用帳籍違事劾之出提舉利州湖南常平改京西轉運判官人為右司員外郎荆湖開疆命往相其便使還為河東河北轉運副使加直龍圖閣歷知河中應天府江淮發運使進實文閣待制由桂徙廣又改渭州名知開封府至則拜戶部侍郎與蔡京論役法不合以龍圖閣直學士知太原敵大入覽奮擊敗之加樞密直學士歷知河南宋與徙成都辭不行降為寶文閣待制卒年五十九

孫節

按宋史狄青傳孫節開封人少直軍籍以才勇補右侍禁與狄青同在延州數攻破敵皆有功累遷西京左藏庫副使及青討智高辟諫麾下至歸仁鋪節為前鋒直前搏戰賊銳甚節屢山下俄中槍而沒特贈忠武軍節度留後官其子二人從子三人給諸司副使奉終其喪

孫珪

按宋史孫祖德傳祖德子珪江東轉運使

孫永

按宋史孫永傳永字曼叔世為趙人徙長社祖給事中冲列為子行陰將作監主簿冲卒擢進士第調襄城尉宜城令至太常博士韓琦引為諸王府侍讀神宗為皇太子進舍人即位擢天章閣待制歷河北陝西都轉運使加龍圖閣直學士知秦州降天章閣待制以詳定編敕知審官東院召還神宗問青苗助役法對曰法誠善然不能無重斂之患復學士知瀛州

進樞密直學士知開封府罷爲提舉中太一宮元豐中判軍器監出知太原入判將作進端明殿學士病不能朝辭去益力提舉崇福宮踰年起知陳州徙穎昌哲宗召拜工部尚書元祐元年卒

孫固

按宋史孫固傳固字和父鄧州管城人幼有立志擢進士第調磁州司戶參軍從平貝州轉霍邑令遷祕書丞爲審刑詳議官宰相韓琦知其賢引爲編修中書諸房文字治平中神宗爲穎王以固侍講及爲皇太子又爲侍讀至即位擢工部郎中中章閣待制知通進銀臺司神宗欲經略西夏先事以戒大臣惡其說出知澶州還知審刑院復領銀臺封駁兼侍讀判少府監復領銀臺司加龍圖閣直學士知真定府熙寧末以樞密直學士知開封府元豐初同知樞密院事改大中大夫樞密副使進知院事以疾避位拜觀文殿學士知河陽尋提舉嵩山崇福宮哲宗即位以正議大夫知河南府徙鄭州元祐二年召除侍讀提舉中太一宮遂拜門下侍郎固數乞骸骨太皇太后曰卿勉留輔導或體中未安取文書於家治之可也固感激強起視事復知樞密院事累官右光祿大夫五年卒年七十五諡曰溫靖紹聖時奪遺澤元符二年奪所贈官列元祐黨籍政和中徵宗以固嘗爲神宗宮僚特出籍悉還所奪

孫思恭

按宋史孫思恭傳思恭字彥先登州人擢第後即遭父喪不肯復從官二十年間纔三書史考爲宛丘令棄官去吳奎薦其學行補國子直講加祕閣校理事

神宗藩邸爲說書又爲侍講直集賢院以居中都久力請補外王奏留之及即位擢天章閣待制思恭性不忤物犯而不校篤於事上出知江寧府鄧州以疾移單州管幹南京留司御史臺卒年六十二

孫洙

按宋史孫洙傳洙字巨源廣陵人羈帥能文未冠擢進士包拯歐陽修吳奎舉應制科進策五十篇指陳政體明白剴切再遷集賢校理知太常禮院治平中求言以洙應詔疏時弊要務十七事兼史館檢討同知諫院王安石主新法多逐諫官御史洙力求補外得知海州免役法行常平使者欲加斂緡錢以取贏爲功洙力爭之尋幹當三班院同修起居注進知制誥元豐初兼直學士院擢翰林學士纔踰月得疾時參知政事闕帝將用之數遣中使尚醫勞問入朝期日洙小愈在家習肄拜賜債不能與於是竟卒年四十九洙博聞強識明練典故道古今事甚有條理文詞典麗有西漢之風

孫路

按宋史孫路傳路字正甫開封人進士及第元豐中爲司農丞鄧潤甫薦爲御史召對其言不合新政神宗語輔臣以爲不可用下遷主簿路快快不釋求通判河州徙蘭州夏人入寇論扛禦功進五階除陝西轉運判官元祐初爲吏部禮部員外郎侍講徐王府遷右司郎中以直龍圖閣知慶州加寶文閣待制進龍圖閣直學士徙知熙州召拜兵部尚書以龍圖閣學士知成都未行坐他事削職知興國軍徵宗立歷太原河南宋興軍河中府卒

孫升

按宋史孫升傳升字君孚高郵人第進士簽書泰州判官哲宗立爲監察御史升多所建明遷殿中侍御史梁燾責張問升從而擊之執政指爲附和出知濟州踰年提點京西刑獄召爲金部員外郎復拜殿中侍御史進侍御史由起居郎權中書舍人直學士院以天章閣待制知應天府董敦逸黃廷基摠升過改集賢院學士紹聖初翟思張商英又劾之削職知房州歸州貶水部員外郎分司又貶果州團練副使汀州安置卒年六十二

孫構

按宋史孫構傳構字紹先博平人中進士第爲廣濟軍判官久之知黎州擢知真州遷度支判官夔州部梁承秀李光吉王堯導生獠入寇轉運判官張詵請誅之選構爲使倍道之官督軍討平錄功加直昭文館徙湖北轉運使進集賢殿修撰交趾入寇拜右諫議大夫知桂州聲言將擄角擄其巢穴寇聞引去以疾提舉崇福宮換太中大夫卒年六十四

孫翬

按宋史孫翬傳翬字叔靜錢塘人父直言徙揚之江都翬年十五遊太學用父任調武平尉捕獲名盜數十謝賞不受再調越州司法參軍守趙州捕獲其材知偃師縣轉鎮長安辟入府續去後來者仍挽之使留居五年簽書西川判官或薦於朝召對擢提舉廣東常平徵宗初徙兩浙由福建轉運判官召爲屯田員外翬微時與蔡京善京還朝遇諸塗既見京逆謂曰我若用於天子願助我翬曰公誠能謹守祖宗之

法以正論輔人主示節儉以先百吏而絕口不言兵天下幸甚暨何爲者京默然既相出提點江東刑獄未幾入爲少府少監戶部郎中遷太僕卿殿中少監四輔建以顯謨閣待制知曹州轉太中大夫徙鄆州邑人子爲草祭之謠指切蔡京驕以開京慈使言者誣以它謗提舉鴻慶宮起知單州遂致仕靖康二年卒年八十六贈銀青光祿大夫諡曰通靖

孫諤

按宋史孫諤傳諤字元忠睢陽人父文用以信厚稱鄉里死諡慈靜居士諤少挺特不羣登進士第調招信主簿遷爲國子直講陷虞蕃獄免元祐初起爲太常博士遷丞出爲利梓路轉運判官召拜禮部員外郎左正言帝每患臺諫之人諤疏可用者二十二入章惇惡其拂己出知廣德軍徙唐州提點湖南刑獄徽宗立復爲右司諫遷左司諫俄以疾卒

孫鑑

按尚友錄立節長子鑑字志康有父風讀書博洽年未弱冠受知蘇軾終不負所學元祐三年擢進士居官以勤直聞知湖廣鄂州未幾卒著有文集四十卷

孫勳

按尚友錄立節季子勳字志舉微涉經史尤工詩偕兄鑑從蘇軾遊節氣凜然弗肯從仕臺府舉遺逸不應卜居延春谷軾榜其舍曰竹林隱居年七十無疾而逝

孫諭

按尚友錄論江陵人元祐間掛冠同時退休者吳師道梁宏朱光復賈亨彥張景達布衣唐愈爲七老會

五日一集時人榮之

孫近

按無錫縣志近字叔諸父廷筠嘉祐進士近崇寧二年進士第五年中宏詞科累遷工部郎中高宗即位除祕書少監起居郎中書舍人給事中同章誼北使還除吏部侍郎直學士院從上親征書命悉委焉凡所議著宣布德意讀者莫不感泣既而參大政兼樞密居政地三年和議成巧祠許之後以和議有異論士論少之謫祕書監分司南京漳州居住改南安移贛州卒

孫達

按宋史孫達傳達眉山人大觀四年進士累官至太學博士張邦昌僭立有司趨百僚入賀達獨堅臥不起夜既半同僚強起之不從至垂泣與之訣時祠部員外郎喻汝礪聞變捫其膝曰不能爲賊臣屈遂掛冠去事畢有司舉不至者欲以達與汝礪復于金人邦昌以畢至告乃免達聞之曰是必將肆赦達官以重汗我我其可旋遂發疾而卒

孫昉

按尚友錄昉字景初爲太醫自號四休居士山谷問其說對曰粗茶淡飯飽即休破被遮寒暖即休三平二滿過即休不貪不妬老即休山谷曰此安樂法也

孫汲

按萬姓統譜汲字公善分宜人由朝散郎監司知其才檄權吉州吉素號劇繁汲居不越月境內稱治時黃庭堅爲太和令作詩送之曰宜春別駕鄉丈人來假廬陵二千石

孫億

按萬姓統譜億字延齡分宜人舉進士知吉州吉租歲收四十萬斛清臣意在聚斂戒庾吏收什二以充羨餘億拒臺命出納一用舍式

孫義伯

按尚友錄義伯豐城人于書無所不讀謂治曆當備三法曰象曰氣曰數作六曆論渾蓋同歸圖寫古今七十六家法數有大曆賦復古著傳其他著述尤盛雖瓶無儲粟澹如也

孫博

按尚友錄博河東人讀書能屬文晚學道能使草木皆爲火光照耀數十里行大水中身不沾濡人有疾指之言愈即愈出入山間石壁如有穴者後入林慮山合神丹仙去

孫之翰

按尚友錄之翰字文舉慈谿人少志學性孝友母病華刲體取肝爲粥以進越夕母如醉自醒乃底于寧里人以其事上千郡守趙伯圭將聞于朝之翰曰本心救母他無所覲力止之卒於五磊山

孫緯

按尚友錄緯字彥文長洲人擢進士第歷宗正寺丞官至尚書郎爲人誠朴好學精于一時典故所著有集論總錄本朝人物志

孫傳

按宋史孫傳傳傳字伯野海州人登進士第中詞學兼茂科爲祕書省正字校書郎監察御史禮部員外郎遷祕書少監至中書舍人宣和末高麗入貢使者

所過謂夫治舟騷然煩費傳言索民力以妨農工而於中國無絲毫之益宰相謂其所論同蘇軾奏貶新州安置靖康元年召爲給事中進兵部尚書十一月拜尚書右丞俄改同知樞密院金人圍都城傳日夜親當矢石二年正月欽宗詣金帥營以傳輔太子留守兼少傅帝兼旬不返傳屢貽書請之及廢立檄至傳大慟金人來索太上皇后諸王妃主傳留太子不遣密謀匿之民間遂從太子出至南薰門是夕宿門下明日金人召之去明年二月死於朝廷紹興中贈開府儀同三司諡曰忠定

孫璉

按尚友錄璉字器之大庾人家貧嗜書蕭吟味不應舉躬耕積糧以爲食壽百歲嘗賦述懷詩云坐倦秋樹根攝衣步前丘橫河澹如練波月西南流獨持一樽酒悠然發清詠俯仰無不足我生焉所求誦此詩可想見其人矣

孫可元

按宣和畫譜可元好畫吳越間山水觀其命意知其無心於物聊戲筆墨以玩世者所以非陶潛嵇皓之流不見諸筆下

孫益

按宋史孫益傳益不知其所以進宣和末以福州觀察使知朔寧府被命救太原時敵勢張甚益躍馬冒圍至城下張孝純不肯啓門遂死之益天資忠勇每傾貲以賞戰士能得人死力

孫谷

按宋史孫益傳益在朔寧察郡人孫谷可用奏爲揀

屬待之異於常僚益出師屬以後事益死敵騎來攻且別命郡守衆議欲開關迎之谷爭弗得嘆曰吾身已許國又不忍負孫公之託諸人不見答是吾死所也或舉刃脅之無懼容遂見殺

孫中

按宋史李誠之傳金人陷新州時統制官孫中闕死

孫方武

按尚友錄方武長沙人爲州學正金人入城方武率居民連日巷戰金人四面放火人皆竄伏惟方武挺身罵不絕口死之今祀於學

孫欽

按萬姓統譜欽武岡人宣和間洞療仇殺欽挺身往諭即聽命郡守以聞徽宗嘉之召見官以文資後以武功大夫德州刺史還守鄉郡靖康末死金人之難

孫毓

按萬姓統譜毓平度人有智慮居官不畏權勢彈劾交上拜濠梁節度使遷海南都轉運使

孫鉉

按萬姓統譜鉉自眉徙居戎州登第爲博士靖康中條上守禦之策有詔褒獎及二帝北狩金人以鉉有名上庠指名徵取之義不屈以死

孫賣魚

按尚友錄孫賣魚不知何許人嘗賣魚楚州盛暑遇一道士謂之曰魚餒矣食我可使活遂飲以斗酒與之言論而別自是決人禍福輒應後於亳州太清宮痛哭人莫之喻記其時乃汴京陷日也

欽定古今圖書集成明倫彙編氏族典

第一百四十八卷目錄

孫姓部列傳四

宋二

孫昭遠	孫輝
孫道夫	孫林
孫達吉	孫昭先
孫調	孫自修
孫枝	孫應時
孫叔謹	孫琦
孫守榮	孫夢觀
孫沂	孫子秀
孫益	孫翼鳳
孫東	孫潼發
孫安國	孫嵩
金	孫即康
孫九鼎	孫德淵
孫鐸	
元	
孫威	孫澈
孫福	孫嗣
孫拱	孫敵
孫搗	孫景益
孫瑾	孫秀實
孫希賢	孫抑
孫固	孫文順
孫公亮	孫明道

孫希武

氏族典第一百四十八卷

孫姓部列傳四

宋二

孫昭遠

按宋史孫昭遠傳昭遠字顯叔其先眉州眉山人元祐間進士調長沙尉辟河東經略司幹當公事歷鳳翔天興縣河北山東撫諭盜賊幹當公事尋擢河北燕山府路轉運使靖康元年召爲水部員外郎會洛陽陷西京留守西道總管王襄從治襄漢授昭遠西道總管建炎元年遷河南尹西京留守西道都總管其冬金人來攻昭遠戰不利其下欲擁昭遠南還昭遠罵曰若等平日衣食縣官不以此特報國南去何爲叛兵怒反擊昭遠遂遇害官屬無免者四年追贈徽猷閣待制

孫輝

按宋史孫輝傳輝爲泗州招信縣尉建炎三年正月金人陷泗州州守呂元閣瑾焚淮橋遁金人由招信將渡淮輝將射士民兵禦之沈其數舟會大霧蔽日

金人莫測其多寡相持踰半日以疑兵歷陣自上流渡兵輝且戰且卻城破竟死於敵書樓

孫道夫

按宋史孫道夫傳道夫字太冲眉州丹稜人貢辟雍時禁元祐學坐收蘇氏文除籍再貢入優等張浚薦於高宗賜出身改左承奉郎再召對言進兵陝右當先經營漢中守江當先措置荆南上嘉納召試館職除祕書正字權禮部郎官遷校書郎出知懷安軍鄆剛中薦其治行第一移知蜀州遇事明了人目爲水晶燈龍以吏部郎中入對除太常少卿充賀金正旦使還權禮部侍郎道夫每進對輒言武事宰相沈該疑其引用張浚忌之道夫不自安請出除知綿州致仕卒

孫林

按尚友錄林字德操紹興甲戌舉進士歷判池真鄂三州所至以興學節財爲務及入觀高宗申獎曰天下有卿而辦有不卹而辦卿所謂卹而辦者也書論公生明上問何以生公曰康生公又問何以生康曰儉生廉上稱善累遷知太平州尋移温州學宮有故秦檜祠林至亟命撤之未晦檣稱其愛立而教明古良吏也後韓侂冑用事謝官歸隱

孫達吉

按宋史孫達吉傳達吉字從之吉州龍泉人也隆興元年進士第授郴州司戶李燾劉珙相繼薦之知萍鄉縣以治最聞除國子博士遷司農寺丞紹熙元年遷祕書郎二年詔求直言疏八事擢爲右正言在諫垣七十日章二十上詞旨剴切皆人所難言者改國

子司業求去爲湖南提刑以秘書監召兼吏部侍郎
朱熹在經筵持論切直小人共不便潛激上怒中批
與祠逢吉於上前爭論甚苦會彭龜年論韓侂胄專
僭出補郡逢吉入疏曰道德崇重陛下所敬禮者無
若朱熹志節端亮陛下所委信者無若彭龜年熹既
以論侂胄去龜年復以論侂胄絀臣恐賢者皆無固
志侂胄見而惡之出知太平州丐祠提舉江州太平
興國宮起知贛州卒弟逢年逢辰皆有文學行義時
稱孫氏三龍

孫昭先

按龍溪縣志昭先字延父淳熙二年進士調興化簿
以直道聞丁外艱改秩知安溪縣爲政簡易催科有
法嘉泰初詔宰執薦士丞相以昭先應詔除司農寺
簿都城火上疏言五事遷寺丞出知衢州臺閩合舉
治行除吏部郎輪對言時事上從之除浙東提刑每
案牘至前必反覆推究嘉定中召赴行在再除吏部
郎入對言朝綱未清邦用未節士氣未振民病未蘇
四事除樞密院檢校諸房文字歲早昭先條陳四病
甚悉俄除右司郎中遷太府少卿再除直寶謨閣提
點江東刑獄改主管成都府玉隆觀尋疏乞致仕卒

孫調

按尚友錄調字和卿長溪人其學得朱文公之傳以
排攢拂老推明聖經所著有策府五十卷易書詩解
中庸發題共十五卷浩穽稿三卷學者稱爲龍坡先
生

孫自修

按尚友錄自修字敬夫偕從弟自新自任從朱子游

時正學久衰自修兄弟獨知尊喬時論趨之朱子嘗
遺書商確傳訓既歿自修追記錄一卷附載朱子語
錄中

孫枝

按萬姓統譜枝字吉甫父允受業鄉先生沈銖學以
眞實爲本教授鄉校者十年枝與銖之子煥同游朱
熹門問學益精著書解十三篇嘉定間與子起予同
登袁甫榜進士枝卓邁有智略自秦隴荆湘達之淮
海凡邊事軍謀靡不練習淮海師延至幕下枝以祿
不逮親辭不就起予爲昭武參軍羣卒噪呼於市起
予往諭之羣卒羅拜曰孫司戶清廉官不犯入朝爲
監察御史至太常少卿次子顧質紹定五年進士第
後中教官科終工部侍郎

孫應時

按萬姓統譜應時字季和餘姚人早從學於象山陸
九淵登進士第初爲黃巖尉有惠愛常平使者朱熹
重之丘崇帥蜀辟入制幕改常熟縣既秩滿郡將以
私憾摺撫倉粟累欠三千斛見問市民感德至相率
擔負詣郡願代償授通判郤武軍未上而卒自號燭
湖居士

孫叔謹

按萬姓統譜叔謹字信之昭先之孫以恩補官調揭
陽尉除大理評事持法守正指陳時事莫不切當嘉
定十年登進士除知莆田縣決民訟必酌人情遷大
理正陸對懇懇以正心持久爲言丐外知潮州凡民
之利病即日能行之又以羨錢二萬緡代民役邦人
感其惠爲立像祀於韓文公廟

孫璿

按尚友錄璿榮經人號足菴居士孝友篤寔行著鄉
曲父嘗穴山通水灌田鄉人病其氣勢不廣璿慨然
繼父志乃捐貲更鑿由是獲利者甚衆寧宗賜官進
功郎從子伯和號竹溪隱士

孫守榮

按宋史孫守榮傳守榮臨安富陽人生七歲病暫遇
異人教以風角鳥占之術其法以音律推五數播五
行測度萬物始終盛衰之理凡問者一語頃輒知休
咎守榮既悟異人授以鐵笛遂去不復見守榮因號
富春子吹笛市中人不識也然其術率驗實慶間
遊吳興聞譙樓鼓角聲驚曰旦夕且有變土人當有
典郡者見王元春即質之曰作鄉郡者必君也元春
初不之信越兩月潘丙作亂元春以告變功果典郡
自是富春子之名大顯貴人爭延致之淮南帥李曾
伯薦諸朝既至謁丞相史嵩之聞者以畫策辭守榮
曰丞相方釣魚園池何得云爾聞者驚異入白丞相
丞相一見頗喜之自是數出入相府一日庭鶴噪命
占之曰來日哺時當有寶物至明日李全果以玉柱
斧爲貢嵩之又嘗得李全徽藏袖中詢其事守榮曰
此李全詐假布囊二十萬兩剝封果如其說士大夫
咸詢履歷守榮不盡答私謂所知曰吾以音推諸朝
紳互有贏縮宋祿其殆終乎後爲嵩之所忌誣以他
罪貶死遠郡

孫夢觀

按宋史孫夢觀傳夢觀字守叔慶元府慈溪人寶慶
二年進士調桂陽軍教授差主管吏部架閣文字力

請外通判嚴州名爲太常寺丞將作少監知嘉興府仍舊班兼右司郎官將作監轉對極言道揆不明法守滋亂當路者滋不悅出知泉州改知寧國府戶部遣官督賦急若星火閩郡皇駭夢觀將以府印牒所遣官所遣官聞之夜遁丞相董槐召還帝問江東廉吏槐首以夢觀對帝悅乃遷司農少卿兼給事中起居舍人八上章辭免以監察御史吳燧論罷授江淮等路提點錢司公事甫至官即召爲起居郎權吏部侍郎奏事抗論益切力求補外以集英殿修撰知建寧府卒

孫沂

按萬姓統譜沂字彥溫丹徒人擢進士紹定四年轉爲常熟丞時長官有挾不屑民事凡所以下息田土之爭上應臺府之令惟沂是賴民有歲久不決之訟皆直請於臺府願以屬沂旁縣亦然臺府既以爲常沂亦不復計彼此部使者再委攝府學教授皆謝不就以病乞歸而卒

孫子秀

按宋史孫子秀傳子秀字元實越州餘姚人紹定五年進士調吳縣主簿辟准東總領所中酒庫檄督宜興縣團田租既還白水災總領悉子秀力爭之調滁州教授改知金壇縣通判慶元府主管浙東鹽事辟幹辦行在諸司糧料院衢州寇作水冒城郭朝廷擇守屬子秀行以政最還太常丞以言罷未幾遷大宗正丞遷金部郎官轉將作監准東總領辭改知寧國府辭爲左司兼右司再兼金部與丞相丁大全議不合去國差知吉州尋鑄罷開慶元年爲浙西提點刑

獄兼知常州移江東提點刑獄度宗即位進太常少卿兼右司尋兼知臨安府以言罷起知婺州卒

孫益

按宋史孫益傳益揚州泰興人少豪俠紹定中李全犯揚州遊騎薄泰興城下縣令王煥募人守禦益起從之俄賊兵大至益率衆拒之身先赴敵戰死事聞贈保義郎官其子一人

孫翼鳳

按福寧州志翼鳳字昭瑞以鄉舉入太學時史嵩之以父憂謀起復翼鳳率同舍生攻之又斥和議事言甚剴切紹定壬辰登進士累官御史大夫簽書樞密院事立朝數十年以民物爲己責以諫諍爲己任時政多所裨益贈太師中奉大夫

孫巢

按宋史鄒鳳傳孫巢字實甫吉州龍泉人獻簡公朴之後天祥長妹婿也天祥起兵檄巢招忠義士補宣教郎帶行監官告院知吉州龍泉縣天祥擁兵出贛里人奉巢復龍泉拒守不下尋爲判者所陷執至隆興殺之

孫潼發

按萬姓統譜潼發桐廬人登咸淳進士授衢州軍事判官有廉能聲辟御前軍器所幹辦公事未幾宋亡家亦毀乃避地萬山中爲終焉之計元侍御史程鉅夫求遺逸以潼發應詔辭弗起

孫安國

按萬姓統譜安國通判南平軍喜功者誘漆潘二州納貢與版築安國極言無益乞省罷之

孫嵩

按尚友錄嵩字元京休寧人貌奇怪趣尚幽潔以薦入太學宋亡歸隱海寧山中自號長山有良山集誓不復仕杜門賦詠妻斷淪絕以寄其沒世無涯之悲焉

金

孫九鼎

按山西通志九鼎定襄人天會中狀元有詩名與弟九疇九億同榜登第官翰林吳彥高嘗贈詩云清廟瑟三嘆齋房芝九莖

孫即康

按金史孫即康傳即康字安伯其先滄州人石晉之末遷徙河北實燕薊八代祖延應在徙中占籍析津實大興仕至涿州刺史延應元孫克構遷檢校太傅啓聖軍節度使即康克構曾孫中大定十年進士第章宗爲右丞相是時即康爲尚書省令史由是識其人章宗即位累遷戶部員外郎講究鹽法除耀州刺史入爲吏部左司郎中遷御史中丞初張汝弼妻高陀幹不道伏誅汝弼鎬王末中舅也上由是頗疑末中末中府傳尉奏末中第四子阿魯合德語涉不軌詔即康鞠之還奏論死遷奉寧軍節度使改知延安府事承安五年復召爲御史中丞泰和三年除參知政事明年進尚書右丞六年進左丞衛紹王即位即康進拜平章政事封崇國公大安三年致仕薨

孫鐸

按金史孫鐸傳鐸字振之其先滕州人徙恩州歷亭縣登大定十三年進士第調海州軍事判官衛縣丞

補尚書省令史使宋還除同知登聞檢院事承安元年遷左諫議大夫改河東南路轉運使四年遷戶部尚書泰和七年拜參知政事遷尚書左丞降濬州防禦使改安國軍節度使徙絳陽軍宣宗遷汴鐸上謁於宜村除太子太師貞祐三年致仕是歲薨

孫德淵

按金史孫德淵傳德淵字資深興中州人也大定十六年進士調石州軍事判官涑水丞察廉遷沙河令有盜秋桑者主逐捕之盜以刃自刺其足面曰秋桑例不禁採汝何得刺我主懼賂而求免盜不從訴之縣德淵曰若逐捕而傷瘡必在後今在前乃自刺也盜遂引服還尚書省令史不就丁父憂去官民爲刻石祠之察廉起復北京轉運司都勾判官以累薦遷中都左警巡使監察御史山東東路轉運副司累官大理丞兼左拾遺審官院奏德淵剛正幹能可任繁劇遂再任丁母憂服除特遷恩州刺史入爲右司郎中滕州刺史遷同知河間府事歷大興治中同知府事大安初遷盤安軍節度使改河北西路按察轉運使改昭義軍節度使潞州破被執俄有拜於前者皆沙河舊民也密護德淵由是得脫貞祐二年拜工部尚書攝御史中丞是時山東乏兵食有司請鬻恩例舉人居喪者亦許納錢就試德淵奏此大傷名教事遂寢尋致仕監察御史許古論德淵忠亮明敏可以大用近許告老士大夫竊嘆望朝廷起復必能建明以利國家宣宗嘉納未及用而卒

孫威

按元史孫威傳威渾源人幼沉鸞有巧思金貞祐間應募爲兵以驍勇稱及雲中來附守帥表授義軍千戶從軍攻潞州破鳳翔皆有功善爲甲冑以意製蹄筋翎根鎧以獻太祖親射之不能徹大悅賜名也可兀蘭授順天安平懷州河南平陽諸路工匠都總管從攻祁乾突戰不避矢石威每從戰伐恐民有橫被屠戮者輒以寬簡工匠爲言而全活之歲庚子卒年五十八至大二年贈中奉大夫武備院使神川郡公諡忠惠

孫激

按嘉祥縣志激字叔達讀書慕刀筆屢典軍伍文字元初以功授廣州宜慰都事至元辛巳授漳州路知事能聲大著後以內艱去任泣涕哀毀目爲之傷

孫福

按鄒平縣志福金末備盜鄉邑有元興授銀符爲軍民千戶以收河南功當調鄉人愛之雷爲鄒平縣丞子四長希武襲千戶授金符征海州中流矢死三希何至元間本路總管以多戰功改承信校尉隨張元帥下交趾戰歿

孫嗣

按河南通志嗣鄧州人善騎射僱不羈金末兵至集鄉衆據守武當元初歸附以平亂功累官至斬黃道宣慰使卒追封樂安郡公諡武康

孫拱

按元史孫威傳威子拱爲監察御史後襲順天安平懷州河南等路甲匠都總管巧思如其父嘗製甲二百八十襲以獻至元十五年授保定路治中適歲饑

議開倉賑民二十二年除武備少卿遷大都路軍器人匠總管陞工部侍郎元貞二年授大同路總管兼府尹大德五年遷兩浙都轉運使九年改益都路總管兼府尹卒於官贈大司農神川郡公諡文莊

孫輦

按元史孫輦傳輦字履常其先自金陵徙家臨川輦幼孤母蔡氏教之知警策自樹立比長學行純篤事母甚孝家居教授一以孝弟忠信爲本憲司屢辟皆不就江西行省特以遺逸舉輦元統二年年七十有三卒於家

孫搗

按元史孫搗傳搗字自謙曹州人至正二年進士授濟寧路錄事張士誠據高郵叛朝廷擇馬兒爲使招諭士誠而用搗爲輔行借搗集賢待制抵高郵士誠不迂詔使搗等既入城反覆開諭士誠等皆悚然以聽已而拘之欲以降搗爲唯詭詭斥而已乃令其黨捶搗肆其陵辱搗不卹也及士誠徙平江搗與士誠部將張茂先謀遣壯士浦四許誠赴鎮南王府約日進兵復高郵謀泄執搗訊問搗罵聲不絕竟爲所害事聞贈翰林侍讀學士中奉大夫護軍追封曹南郡公諡忠烈

孫景益

按濟陽縣志景益登至正四年進士仕至中書省左丞

孫瑾

按元史孫瑾傳瑾鎮江丹徒人父喪哀毀嚴冬跣足而步停柩四載衣不解帶常食粥誦佛書及葬載柩